

# SEGUIMENTO E ANÁLISE DA CONSTRUCIÓN

## Cuarto trimestre de 2021

Santiago de Compostela, 30 de decembro de 2021

# **Índice**

## **1. Introducción**

## **2. O sector no terceiro trimestre de 2021**

### **2.1. Edificación residencial**

### **2.2. Edificación non residencial**

### **2.3. Licitación oficial**

## **3. Resume**

## **4. Definicións**


## 1. Introdución

O sector da construcción en Galicia xerou en 2020 un valor engadido bruto (VEB) de 4.077,4 millóns de euros, o que representa o 7,0% do Produto Interior Bruto (PIB). Este nivel de actividade fixo que o emprego no sector se situara nos 69.997 postos de traballo equivalentes a tempo completo, o 7,4% do total.

En España, o sector da construcción representa o 5,7% do PIB e o emprego supón o 7,0% do total de postos de traballo equivalentes a tempo completo.

Despois de cinco anos de crecemento do sector, a crise sanitaria provocada pola COVID-19 ocasiona unha forte contracción da actividade económica, que se manifesta tamén no sector da construcción, cunha caída do VEB (en termos reais) do 9,4% en 2020 en Galicia e do 11,3% no conxunto de España. O gráfico 1 mostra o crecemento anual do VEB da construcción e do PIB para Galicia e España en termos reais.

Gráfico 1



Fonte: IGE Contabilidade Trimestral de Galicia. Revisión estadística 2019.


INE Contabilidad Nacional Trimestral de España. Revisión estadística 2019.

Os postos de traballo equivalentes a tempo completo<sup>1</sup> sofren unha forte caída en 2020 tanto en Galicia como en España, -10,4% e -7,2% respectivamente.

<sup>1</sup> As medidas adoptadas para combater os efectos económicos da pandemia no emprego fan que existan diferenzas importantes entre os indicadores de emprego. As afiliacións á Seguridade Social e os ocupados da Enquisa de Poboación Activa (EPA) non reflicten adecuadamente o nivel de actividade desde que comezou a pandemia, xa que os traballadores acollidos a Expedientes de Regulación Temporal de Emprego (ERTE) así como os autónomos cunha prestación extraordinaria por cese de actividade, seguen contabilizándose nas afiliacións a Seguridade Social e considéranse persoas ocupadas na EPA cando existe garantía de reincorporación ao posto de traballo unha vez finalizado o período de suspensión. Non obstante na definición no SEC de posto de traballo exclúense estas persoas.

As afiliacións á Seguridade Social (media mensual), malia incluír os traballadores en situación de ERTE ou de prestación por cese de actividade, manifestan a perda de emprego. O gráfico 2 mostra a evolución anual da afiliación do sector por comunidades autónomas a partir do ano 2017. No ano 2020 case todas as comunidades (agás Comunitat Valenciana e Murcia) rexistran caídas nas afiliacións medias.

**Gráfico 2**




**Fonte:** Afiliacións á Seguridade Social. Ministerio de Inclusión, Seguridad Social y Migraciones

## 2. O sector no terceiro trimestre de 2021

O valor engadido bruto (VEB) do sector da construcción retrocedeu un 5,6% no terceiro trimestre de 2021 con respecto ao mesmo trimestre do ano 2020.

Gráfico 3



Fonte: IGE. Contabilidade Trimestral de Galicia. Revisión estadística 2019

INE: Contabilidad Nacional Trimestral de España. Revisión estadística 2019

Os datos de emprego mostraron un mellor comportamento que os de actividade no terceiro trimestre de 2021, cun aumento do 5,8% dos postos de traballo equivalentes a tempo completo, fronte ao -5,6% do VEB, o que orixina un descenso da produtividade.

As afiliacións medias á Seguridade Social no sector da construcción rexistraron no terceiro trimestre deste ano unha subida do 3,8%. O número medio de afiliacións do sector no terceiro trimestre de 2021 foi de 79.279.

No gráfico 4 obsérvase que as taxas de variación interanual foron negativas desde finais de 2019, acadando os valores máis baixos no segundo trimestre de 2020. Desde marzo de 2021 aumentan as afiliacións no sector.

**Gráfico 4**



Fonte: Ministerio de Inclusión, Seguridad Social y Migraciones

Os datos do paro rexistrado na construcción mostraron o impacto da crise sanitaria e económica con incrementos desde marzo de 2020, acadando o valor máximo en abril, 16.358 parados, cunha taxa de variación do 19,3%, e logo un descenso ata o último trimestre do ano, onde se produxe un repunte do paro. No que vai de 2021 o paro rexistrado mostra unha tendencia descendente, ata chegar aos 10.752 parados no mes de novembro, unha taxa do -21,7%.

**Gráfico 5**



Fonte: Ministerio de Trabajo y Economía Social

Segundo a EPA, a poboación ocupada no sector da construcción mantívose en taxas positivas no ano 2020, acadando unha taxa de crecemento do 17,4% no primeiro trimestre de 2020 e un menor crecemento nos trimestres posteriores ata o 1,3% no cuarto trimestre; o ano 2021 comezou cunha perda de poboación ocupada no sector do 8,1% no primeiro trimestre e unha recuperación do emprego no segundo trimestre, cunha taxa do 8,8%. No terceiro trimestre de 2021 volve a caer a ocupación, -7,3%.

**Gráfico 6**



Fonte: INE-IGE. Enquisa de poboación activa

## 2.1. Edificación residencial

O subsector da edificación residencial manifesta, desde o punto de vista da demanda, un comportamento dinámico nos últimos trimestres. Desde a óptica de oferta, as licenzas rexistran taxas de crecemento positivas mentres que nos visados son negativas.

### Demanda

O principal indicador de demanda, a compravenda de vivendas, mantén un forte dinamismo no terceiro trimestre, un período no que se reduciron as limitacións derivadas da situación epidemiolóxica. Os tipos de xuro favorecen o desempeño da actividade residencial mentres que o incremento do prezo da vivenda podería frear a recuperación da actividade.

O número de compravendas efectuadas sobre vivendas da “Estadística de transmisiones de derechos de la propiedad” do INE mostra un incremento do 50,2% no terceiro trimestre de 2021, subida inferior á do segundo trimestre do 2021 (64,8%). Os datos de compravenda de vivendas totais da “Estatística registral inmobiliaria” do Colegio de Registradores indican un ascenso do 48,7%, inferior ao do trimestre anterior (64,4%).

As dúas estatísticas (INE e Registradores) apuntan que é a compravenda de vivenda usada a que máis inflúe na evolución do conxunto xa que supón en torno ao 76% das compravendas. Segundo o Colegio de Registradores, as compravendas de vivenda usada creceron un 43,4%, 16,1 puntos menos que no trimestre anterior (59,5%); a vivenda nova creceu un 68,1%, taxa 14,0 puntos inferior á do trimestre precedente (82,1%).

Segundo os datos do INE, as compravendas de vivenda usada creceron un 46,0%, menos que no trimestre anterior, 59,7%, e a vivenda nova creceu un 66,0%, taxa tamén inferior á do trimestre precedente (83,7%).

**Cadro 1.- TRANSMISIÓN S E COMPROVENDA DE VIVENDAS. TVI (%)**

		Transmisión s de vivendas. Compravendas		Estadística rexistral inmobiliaria. Compravenda de vivendas	
Ano	Trim.	Galicia	España	Galicia	España
2020		-11,1	-16,9	-11,0	-16,7
2021		34,9	35,9	105,3	37,4
2020	III	-11,6	-16,4	-12,1	-16,6
	IV	13,0	-2,5	11,8	-3,1
2021	I	10,0	1,9	9,8	1,5
	II	64,8	81,1	64,4	79,2
	III	50,2	50,1	48,7	50,8

Fonte: INE, Colegio de Registradores

**Cadro 2.- TRANSACCIÓN S INMOBILIARIAS E HIPOTECAS. TVI (%)**

		Transacción s inmobiliarias. Vivenda		Hipotecas en vivenda (sen cambios nas condicións)	
Ano	Trim.	Galicia	España	Galicia	España
2020		-4,9	-14,5	-5,6	-15,4
2021		37,3	46,8	-9,6	-33,2
2020	III	24,6	6,8	-13,8	-14,4
	IV	13,5	1,2	-8,6	-36,2
2021	I	17,9	22,3	-19,7	-58,4
	II	131,2	125,5	-17,8	-29,5
	III	6,7	21,4	13,1	3,9

Fonte: Ministerio de Transportes, Movilidad y Agenda Urbana. INE

Segundo a “Estadística de constitución de hipotecas” do INE, o número de vivendas hipotecadas sen ter en conta aquelas con cambios nas condicións mostra, no terceiro trimestre de 2021, unha subida do 13,1%, despois de cinco trimestres consecutivos de caídas.

Desde finais de 2020, obsérvase un incremento das hipotecas con cambios rexistrais tanto en Galicia como en España; no terceiro trimestre de 2021 houbo, en Galicia, unha media de 427

hipotecas, fronte a unha media de 123 hipotecas con cambios no mesmo trimestre do ano anterior.

O importe medio das hipotecas en vivenda neste terceiro trimestre foi de 109.538 euros en Galicia, un 78,4% do importe medio estatal coa información da estatística do INE. Con respecto ao mesmo trimestre do ano anterior o importe medio creceu un 4,6%, menos que no trimestre precedente (5,8%).

A “Estadística registral inmobiliaria” do Colegio de Registradores sinala que o importe medio das hipotecas creceu un 2,3% no terceiro trimestre de 2021 respecto ao mesmo trimestre do ano anterior, taxa inferior á do trimestre anterior, 5,1%. A cota media mensual aumenta un 0,8%.

O tipo medio de xuro baixa do 2,03% no trimestre anterior ao 1,92% e o prazo medio das hipotecas decreceu un 2,4% no terceiro trimestre, despois de catro trimestres de crecemento.

A evolución dos prezos da vivenda mostra taxas de crecemento positivas. Se atendemos aos publicados polo Ministerio de Transportes, Movilidad y Agenda Urbana, o prezo da vivenda ( $\text{€}/\text{m}^2$ ) rexistrou un ascenso neste trimestre dun 0,9%, inferior ao do trimestre precedente (1,8%). Na mesma liña, o prezo da vivenda, segundo o indicador do INE aumentou un 5,8%, 2,3 puntos máis que no trimestre anterior (3,5%).


**Cadro 3.- PREZOS DA VIVENDA. VIVENDA LIBRE**

		Euros por $\text{m}^2$ . TVI (%)		Índices de prezos da vivenda. TVI (%)	
Ano	Trim.	Galicia	España	Galicia	España
2020		-0,1	-1,1	2,2	2,1
2021		1,2	1,4	3,8	2,8
2020	III	0,4	-1,1	1,9	1,7
	IV	0,1	-1,8	1,2	1,5
2021	I	1,0	-0,9	2,2	0,9
	II	1,8	2,4	3,5	3,3
	III	0,9	2,6	5,8	4,2

Fonte: Ministerio de Transportes, Movilidad y Agenda Urbana. INE

Como se pode comprobar no gráfico 7 os prezos da vivenda mostran unha evolución crecente nos últimos trimestres, tanto co indicador do INE como co do Ministerio.

**Gráfico 7**




Fonte: Precios de vivienda (MITMA) e Índices de precios de la vivienda (INE).

O tipo de xuro de referencia do mercado hipotecario (Euribor), con influencia na demanda, sitúase en valores negativos desde o ano 2016; no que vai do ano 2021 a media do Euribor mantense estable en torno ao -0,5%.

O tipo de xuro dos préstamos hipotecarios, publicado polo Banco de España, situouse, no terceiro trimestre de 2021, no 1,59%, co que continúa a tendencia descendente iniciada a principios de 2019, como se pode apreciar no gráfico 8.

**Gráfico 8**




Fonte: Banco de España e Colegio de Registradores.

O **esforzo financeiro** - medido como a porcentaxe de salario que unha persoa ten que destinar ao pago do préstamo hipotecario - acadou unha taxa do 22,8% no terceiro trimestre de 2021, similar á do trimestre precedente.

O factor que favoreceu un menor esforzo financeiro respecto do mesmo trimestre do ano anterior foi a baixada do tipo de xuro hipotecario mentres que o incremento do prezo dificulta a accesibilidade á vivenda.

Gráfico 9



Fonte: Elaboración propia

O comportamento do emprego total da economía afecta á demanda de vivenda, debido a súa repercusión sobre a renda dispoñible dos fogares. Desde o inicio da pandemia, os datos de emprego non reflecten a evolución da actividade económica, debido ás medidas adoptadas para reducir o impacto da crise nos fogares, polo que non axudan a explicar a evolución da demanda de vivendas. O emprego rexistrou taxas negativas desde que comezou a pandemia e volveu a taxas positivas no segundo trimestre. As persoas ocupadas totais, segundo a EPA, aumentaron un 2,8% en taxa interanual no terceiro trimestre de 2021, taxa superior en tres décimas á do trimestre precedente (2,5%). As afiliacións totais á Seguridade Social (media do mes) rexistran taxas positivas desde o mes de abril, acadando no terceiro trimestre de 2021 un ascenso do 2,6%, sete décimas menos que no trimestre precedente (3,3%).

Segundo os rexistros das oficinas de emprego, o paro rexistrado total está a diminuír desde o mes de abril. No terceiro trimestre do 2021 o paro rexistrado total decreceu un 13,7%, sete décimas máis que no trimestre anterior (-13,0%). O total de persoas paradas, medido pola EPA, tamén amosa unha caída no terceiro trimestre do 2021 (-12,5%).

## Oferta

Desde a perspectiva da oferta residencial, as series periodificadas de licenzas acadan rexistros positivos dende a segunda metade do 2016. As series de visados rexistraron taxas positivas dende o primeiro trimestre de 2017 ata o segundo trimestre de 2021, mais no terceiro trimestre de 2021 a taxa é negativa.

As series sen periodificar mostran no terceiro trimestre de 2021 un comportamento diferente: como se mostra no cadro 4, a superficie total das vivendas, segundo os visados, presenta un decrecemento do 11,0% no terceiro trimestre de 2021 mentres que segundo as licenzas a superficie aumenta o 6,8%.

O número medio mensual de vivendas visadas no terceiro trimestre deste ano foi de 387, inferior á media mensual de 2020 (404 vivendas). No caso das licenzas concedidas polos concellos, a media mensual no terceiro trimestre de 2021 (cos datos de xullo e agosto) foi de 251 vivendas a crear de nova planta, superior á media do 2020 (240 vivendas).

**Cadro 4.- EDIFICACIÓN RESIDENCIAL. TVI (%)**

		Superficie total vivendas. Galicia	
Ano	Trim.	Licenzas	Visados
2020		30,2	1,3
2021		-4,0	-10,1
	2020 III	-1,8	15,3
	IV	3,9	-33,4
	2021 I	6,2	-25,0
	II	-16,7	-30,3
	III	6,8	-11,0

As licenzas do 3º trimestre de 2021 só inclúen os meses de xullo e agosto.

Fontes: IGE-Ministerio de Transportes, Movilidad y Agenda Urbana.

Colegios de arquitectos

Tendo en conta que a realización das obras se estende ao longo de máis ou menos un ano e medio, se periodificamos os datos de licenzas e de visados obteríamos os resultados que se muestran no cadro 5. No terceiro trimestre de 2021 as licenzas rexistraron un incremento do 28,1% (só xullo e agosto), 4,5 puntos menos que no trimestre precedente (32,6%); en tanto aos visados, decreceron un 4,7%, despois dun crecemento no trimestre anterior do 4,7%.

Cadro 5.- EDIFICACIÓN RESIDENCIAL PERIODIFICADA. TVI (%)

		Superficie total vivendas. Galicia	
Ano	Trim.	Licenzas	Visados
2020		11,3	7,5
2021		32,9	0,9
2020	III	7,6	2,3
	IV	24,3	3,4
2021	I	36,6	2,8
	II	32,6	4,7
	III	28,1	-4,7

As licenzas do 3º trimestre de 2021 só inclúen os meses de xullo e agosto.

Fontes: IGE-Ministerio de Transportes, Movilidad y Agenda Urbana.

Colegios de arquitectos

No seguinte gráfico móstrase o comportamento da serie de visados periodificados.

Gráfico 10



Fonte: Elaboración propia

## 2.2. Edificación non residencial

As dúas principais fontes de información sobre este subsector, licenzas e visados, mostran comportamentos diferentes no terceiro trimestre de 2021. Así, a superficie a construír de licenzas presenta un retroceso do 9,3%, inda que superior a taxa interanual do trimestre anterior en 2,0 puntos. A superficie a construír segundo os visados creceu un 127,9% neste trimestre, o que supón unha subida de máis de 211 puntos respecto ao rexistro do trimestre precedente (-83,3%).

---

Cadro 6.- EDIFICACIÓN NON RESIDENCIAL. TVI (%)

		Superficie non residencial. Galicia	
Ano	Trim.	Licenzas	Visados
2020		-4,0	45,6
2021		15,0	-50,8
2020	III	-44,4	-38,2
	IV	2,1	-12,3
2021	I	53,8	-21,2
	II	-11,3	-83,3
	III	-9,3	127,9

As licenzas do 3º trimestre de 2021 só inclúen os meses de xullo e agosto.

Fontes: IGE-Ministerio de Transportes, Movilidad y Agenda Urbana.

Colegios de arquitectos

---

A serie periodificada de visados, máis contemporánea co nivel de actividade, presenta no terceiro trimestre de 2021 unha caída do 49,4%. De xeito contrario, a serie de licenzas mostra un crecemento do 27,4%.

---

Cadro 7.- EDIFICACIÓN NON RESIDENCIAL PERIODIFICADA. TVI (%)

		Superficie non residencial periodificada. Galicia	
Ano	Trim.	Licenzas	Visados
2020		7,1	49,5
2021		-0,4	-25,9
2020	III	21,2	66,1
	IV	-27,0	63,5
2021	I	-14,4	33,5
	II	0,5	-36,8
	III	27,4	-49,4


As licenzas do 3º trimestre de 2021 só inclúen os meses de xullo e agosto.

Fontes: IGE-Ministerio de Transportes, Movilidad y Agenda Urbana.

Colegios de arquitectos

---

Gráfico 11



Fonte: Elaboración propia

### 2.3. Licitación oficial

En canto á licitación oficial, segundo os datos do Ministerio de Transportes, Movilidad y Agenda Urbana, o importe licitado no terceiro trimestre de 2021 polas administracións en construcción (edificación e enxeñería civil) en Galicia rexistrou un incremento do 193,4%, con respecto ao licitado no mesmo trimestre do ano anterior. As obras de enxeñería civil, que supuxeron un 77,3% da actividade licitadora da Administración neste trimestre, presentan un crecemento do 184,3% (adro 8).

Ao igual que ocorre cos datos de edificación residencial e non residencial, estes importes habería que periodicalos en función da duración das obras de cada proxecto, polo tanto, ao largo deste ano abordaríase principalmente a execución de obras licitadas en 2020 e as de principios deste ano.

---

Cadro 8.- LICITACIÓN OFICIAL. TVI (%)

Ano	Trim.	Licitación oficial total construcción		Licitación oficial en enxeñería civil	
		Galicia	España	Galicia	España
2020		80,7	6,2	88,8	143,0
2021		101,6	88,4	106,7	28,2
2020	III	124,8	11,2	173,4	-14,7
	IV	248,7	60,8	180,9	103,5
2021	I	60,5	9,4	64,3	11,6
	II	63,5	176,1	90,9	209,4
	III	193,4	114,1	184,3	147,1

Desde abril de 2018 non se inclúen datos dos entes locais (concellos, mancomunidades,...)

Fonte: Ministerio de Transportes, Movilidad y Agenda Urbana

### **3. Resumo**

O sector da construcción en Galicia xerou en 2020 un valor engadido bruto (VEB) de 4.077,4 millóns de euros, o que representa o 7,0% do Produto Interior Bruto (PIB). Este nivel de actividade fixo que o emprego no sector se situara nos 69.997 postos de traballo equivalentes a tempo completo, o 7,4% do total.

En España, o sector da construcción representa o 5,7% do PIB e o emprego supón o 7,0% do total de postos de traballo equivalentes a tempo completo.

No terceiro trimestre de 2021, o VEB da construcción diminuíu un 5,6% en termos reais en Galicia.

O subsector da edificación residencial manifesta, desde o punto de vista da demanda, un comportamento dinámico nos últimos trimestres. Desde a óptica de oferta, as licenzas rexistran taxas de crecemento positivas mentres que nos visados son negativas.

O principal indicador de demanda, a compravenda de vivendas, mantén un forte dinamismo no terceiro trimestre, un período no que se reduciron as limitacións derivadas da situación epidemiolóxica. Os tipos de xuro favorecen o desempeño da actividade residencial mentres que o incremento do prezo da vivenda podería frear a recuperación da actividade.

Desde a perspectiva da oferta residencial, as series periodificadas de licenzas acadan rexistros positivos dende a segunda metade do 2016. As series de visados rexistraron taxas positivas dende o primeiro trimestre de 2017 ata o segundo trimestre de 2021, mais no terceiro trimestre de 2021 a taxa é negativa.

O sector da edificación non residencial mostra comportamentos diferentes no terceiro trimestre de 2021 segundo as licenzas e os visados. Así, a superficie a construír segundo as licenzas presenta un retroceso do 9,3% mentres que segundo os visados creceu un 127,9% neste trimestre.

En canto á licitación oficial, segundo os datos do Ministerio de Transportes, Movilidad y Agenda Urbana, o importe licitado no terceiro trimestre de 2021 polas administracións en construcción (edificación e enxeñería civil) en Galicia rexistrou un incremento do 193,4%, con respecto ao licitado no mesmo trimestre do ano anterior. As obras de enxeñería civil, que supuxeron un 77,3% da actividade licitadora da Administración neste trimestre, presentan un crecemento do 184,3%.

## 4. Definicións

**Produción:** é unha actividade realizada baixo o control e a responsabilidade dunha unidade institucional que utiliza man de obra, capital e bens e servizos para producir outros bens e servizos.

**Consumos intermedios:** representan o valor dos bens e servizos consumidos como insumos nun proceso de producción.

**Valor engadido bruto (VEB):** é a diferenza entre a producción e os consumos intermedios.

**Produto interior bruto (PIB):** é o resultado da actividade produtiva das unidades de producción residentes.

**Transmisións de dereitos de propiedade:** número de dereitos sobre bens inmobles transmitidos durante o período de referencia, cuxa transmisión queda inscrita nos Rexistros da Propiedade. A Estatística rexistral inmobiliaria recolle as escrituras inscritas no rexistro que corresponden exclusivamente a compravendas, coa transmisión do 100% do dominio sobre a propiedade.

**Rexistro da propiedade:** é un rexistro público que ten por obxecto a inscrición de bens inmobles, da súa titularidade así como de todos os cambios e limitacións que experimenten

**Título de adquisición:** acceso á titularidade dun ben que se transmite. Desagrégase en compravenda, doazón, permuta, herdanza e outros. Non contempla a transmisión de hipotecas por estar estas incluídas dentro da subrogación de hipotecas.

- **Compravenda:** Polo contrato de compravenda un dos contratantes obrígase a entregar unha cousa determinada e o outro a pagar por ela un prezo certo, en diñeiro ou signo que o represente.
- **Doazón:** É un acto de liberalidade polo cal unha persoa dispón gratuitamente dunha cousa en favor doutra que a acepta. Para que sexa válida a doazón do inmóvel debe facerse en escritura pública, expresándose nela individualmente os bens doados e o valor das cargas que deba satisfacer o donatario.
- **Permuta:** É un contrato polo que cada un dos contratantes obrígase a dar unha cousa para recibir outra.
- **Herdanza:** Cando por disposición testamentaria ou legal conséguese a propiedade dun ben pertencente a unha persoa falecida. Poderán suceder por testamento ou abintestato os que non estean incapacitados por unha lei.
- **Outros:** Títulos de adquisición distintos da compravenda, doazón, permuta ou herdanza. Pode reflectir concentracións parcelarias ou divisións horizontais. Tamén pode tratarse dunha operación conxunta, mestura de varios títulos de adquisición, ou de transmisións con título de adquisición indefinido...

**Réxime da vivenda:** refírese ao réxime de protección da vivenda, é dicir, se é de prezo libre ou ten algúm tipo de protección oficial:

- **Vivenda de prezo libre:** cando a vivenda non está sometida a ningún tipo de protección.
- **Vivenda suxeita a algúm réxime de protección:** aquela que recibiu calquera tipo de subvención á súa construción, independentemente do organismo que a conceda, e onde se ten en conta limitacións de superficie e prezo.

**Natureza da finca:** Os dereitos de transmisión clasifícanse segundo sexa a natureza do ben transmitido, distinguindo entre rústica e urbana.

- **Natureza rústica:** unha finca denomínase rústica cando pertence ao campo ou zona rural. Distínguense cinco tipos de bens rústicos diferenciados e un sexto para todos aqueles que non estean incluídos nos cinco anteriores, ou se descoñeza onde incluílos:

- **Secaño:** finca rústica non regada, cuxa especificación de secaño figura na escritura.
- **Regadío:** finca rústica que utiliza calquera medio de rego, cuxa especificación figura na escritura.
- **Vivenda rústica:** construcción utilizada para vivenda fóra di casco urbano e non dentro dunha parcela urbanizable.
- **Edificio agrario rústico:** construcción utilizada para servizos agrarios. Incluirá as edificacións agrícolas ou gandeiras, fábricas agrícolas gandeiras ou forestais, edificios auxiliares que formen finca independente: celeiros, cortes, depósitos, etc...
- **Explotación agrícola:** fincas rexistrais constituídas por un conxunto de terras e edificacións destinadas ao uso agrícola, forestal

- **Natureza urbana:** considéranse fincas de natureza urbana cando están emprazadas dentro da cidade ou dentro dun terreo que se acondiciona para crear e desenvolver un núcleo urbano. Desagréganse na seguinte clasificación:

- **Vivenda:** é un recinto que está pensado para habitalo e destinado ao uso por unha ou varia persoas. Pódese distinguir entre piso con anexos, piso sen anexos, vivenda adosada ou pareada e vivenda illada.
- **Soar:** terreo non edificado
- **Outras urbanas:** local comercial, garaxe, oficina, rocho, nave industrial, ...

**Valor de compravenda:** Prezo ou valor de transmisión que consta na escritura.

**Cota de mercado da compravenda por CC. AA.:** porcentaxe de compravenda de vivenda en cada CC.AA. respecto o total nacional de compravendas

**Hipoteca:** contrato mediante o que se consegue un crédito coa garantía dun ben (móvel ou inmóvel), cuxo valor responde do risco de non pagamento. A Estatística de Hipotecas só inclúe as hipotecas constituídas sobre bens inmóveis e inscritas nos Rexistros da propiedade.

**Tipo de xuro:** cantidade que se paga como remuneración pola dispoñibilidade dunha suma de diñeiro tomada en concepto de crédito. Pode ser fixo ou variable (MIBOR, EURIBOR, RPH, outros).

**Cota hipotecaria mensual:** calculada en base á hipoteca media e o tipo de xuro medio, asumindo como prazo o período de contratación do crédito hipotecario obtido da duración dos novos créditos hipotecarios contratados sobre a vivenda.

**Transacción inmobiliaria:** inclúe todas as vivendas obxecto de compravenda formalizadas en escritura pública en oficina notarial. Non se inclúen as vivendas que foron transmitidas a través de actos xurídicos diferentes á compravenda como herdanzas, doazóns...

**Accesibilidade á vivenda:** porcentaxe de salario dunha persoa destinado á adquisición de vivenda.

**Visados de dirección de obra:** visados de encargo profesional de dirección de obra e dos certificados fin de obra. Isto significa que non se inclúen proxectos salvo que correspondan a visados de proxecto e dirección de obra conxuntamente.

**Visados de Encargo profesional de dirección de obra.** Recóllense:

- Traballos de edificación nas modalidades de obra nova, ampliación e reforma e/ou restauración de edificios.
- Obras de reforzo ou consolidación de edificios.
- Obras de urbanización.
- Derrubamentos ou demolicións.
- Decoración interior de edificios e locais.
- Traballos realizados ao servizo da Administración Pública.
- Traballos realizados para a Administración Pública.

Non inclúen:

- Deslindes e mediación de terreos, soares e edificios.
- Recoñecementos, consultas, exame de documentos, dilixencias, informes, ditames, certificacións, actuacións periciais, etc.
- Traballos especiais excepto derrubamentos.

**Certificado fin de obra:** Inclúe exclusivamente os traballos de edificación en obra nova, ampliación e reforma e/ou restauración de edificios.

**Índices de custos da construcción:** obtense a partir do índice de custo dos consumos intermedios e de custo da man de obra ponderados segundo o peso relativo de cada un deles. As ponderacións obtéñense a partir da Encuesta de Estructura de la Construcción do INE.

**Licitación oficial:** todos os contratos de obra que licitan as distintas Administracións Públicas, entendendo como tales aqueles cuxo obxecto sexa: a construcción de bens que teñan natureza inmóvel, a realización de traballos que modifiquen a forma ou sustancia do terreo ou do subsolo e a reforma, reparación, conservación ou demolición dos anteriores.

**Licencias municipais de obras:** Trátase dun permiso necesario para a realización de calquera tipo de obras en locais, naves, edificios, etc. dentro dun concello. Os diferentes tipos de obras son: de construcción, rehabilitación ou demolición ben se refiran a edificios ou vivendas.

**Tipoloxía das obras:** os tipos de obras aos que se fai referencia na actividade da construcción divídense en dous grupos: Edificación e enxeñería civil

- **Edificación:** É toda construcción permanente, separada e independente, fixa sobre o terreo, concibida para ser utilizada con fins residenciais e/ou para o desenvolvemento dunha actividade. Por "construcción separada" enténdese a delimitación lateral por muros exteriores ou intermedios (medianeiros) e superior por teito e cuberta. Por "independente" enténdese que teña un só acceso directo principal desde a vía pública o terreo privado.
- **Enxeñería Civil:** É toda construcción dun ben que teña natureza de inmóvel, distinta da edificación, destinada a ser utilizada colectivamente, no sentido do uso xeral ou do servizo, como por exemplo: estradas, aeroportos, portos, ferrocarrís, presas, canles, instalacións de telecomunicación, oleodutos, gasodutos, etc...

**Postos de traballo equivalentes a tempo completo:** defíñese como o total de horas traballadas dividido pola media anual das horas traballadas en postos de traballo a tempo completo no territorio económico.

**Pessoas ocupadas:** persoas de 16 e máis anos que durante a semana de referencia tiveron un traballo por conta alrea ou exerceron unha actividade por conta propia, podendo estar durante esa semana:

- Traballando polo menos unha hora a cambio dun soldo, salario, beneficio empresarial ou ganancia familiar, en metálico ou en especie.
- Con emprego pero sen traballar, é dicir, ausentes do seu traballo por razóns de enfermidade ou accidente, vacacións, festas ou outras razóns análogas. Tamén se consideran dentro desta categoría as persoas que, estando suspendidas ou separadas do seu emprego como consecuencia dunha regulación de emprego, esperan reincorporarse á súa empresa.

As persoas ocupadas clasifícanse segundo o tipo de xornada laboral en: traballadores a tempo completo e a tempo parcial.

**Afiliacións:** a afiliación ao Sistema de Seguridade Social é obligatoria para todas as persoas incluídas no campo de aplicación da Seguridade Social e única para toda a vida da persoa traballadora e para todo o Sistema, sen prexuízo das baixas, altas e demais variacións que con posterioridade á afiliación poidan producirse. É dicir, unha persoa afíliase cando comeza a súa vida laboral e dáse de alta nalgún dos réximes do Sistema da Seguridade Social; esta situación denominase alta inicial; se cesa na súa actividade, será dado de baixa pero seguirá afiliado/a en situación de baixa laboral, se retoma a actividade, producirase unha alta, denominada alta sucesiva a efectos estatísticos, pero non terá que afiliarse novamente, dado que, como xa se indicou, a afiliación é única para toda a vida do traballador.

**Paro rexistrado:** concepto estatístico establecido pola Orde do 11 de marzo de 1985 do Ministerio de Trabajo y Seguridad Social, segundo a que o paro rexistrado o compoñen as demandas de emprego pendentes de satisfacer no último día do mes nas Oficinas públicas de emprego, excluíndose as correspondentes aos seguintes colectivos:

- Traballadoras ou traballadores ocupados: as persoas que solicitan un emprego para compatibilizalo co actual ou cambialo polo que teñen, os que están en suspensión ou redución de xornada por un expediente de regulación de emprego e os que están ocupados en traballos de colaboración social.
- Traballadoras ou traballadores sen disponibilidade inmediata para o traballo ou en situación de incompatibilidade co mesmo: xubilados/as, pensionistas de invalidez absoluta ou grande invalidez, persoas maiores de 65 anos, traballadores en situación de incapacidade temporal, maternidade ou baixa médica, estudantes de ensino oficial regrado, sempre que sexan menores de 25 anos ou demandantes do primeiro emprego, e alumnado de formación profesional ocupacional, cando as súas horas lectivas superen as vinte semanais, teñan unha bolsa de manutención e sexan demandantes do primeiro emprego.
- Traballadoras ou traballadores que demandan exclusivamente un emprego de características específicas tales como as seguintes: emprego a domicilio, por período inferior a tres meses, de xornada semanal inferior a 20 horas, para traballar no estranxeiro e as persoas traballadoras que se inscriben nas oficinas de emprego como requisito previo para participar nun proceso de selección para un posto de traballo determinado.
- Traballadoras ou traballadores eventuais agrarios beneficiarios do subsidio especial por desemprego que están percibíndoo ou que, unha vez esgotado, non transcorrese un período superior a un ano do día de nacemento do derecho.